

- 45 Кто не подивится твоей царской тихости,
 о еже бо ныне вси в твоей государской милости.
 морю свойственно есть все реки в себе примати,
 уму ж цареву всех мудрых умов разумы обоимовати.
 красота царю благочестие и вера к богу,
 50 на него ж сходит милость божия попремногу.
 яко некий цвет прекрасный произбран от всех человек,
 зане еси государь смиреномудрием своим всех превостек.
 Юноши светлы предстоят при твоей царской славе,
 много ж и иных чинов во твоём государском уставе.
 55 и кто не подивится вашему государскому величеству,
 Христос бог избирает вас к таковому разумичеству.
 аще наше убожество о вашем царском величестве умолчит,
 и^ж како нам господь своим гневом не попретит.
 леторасль зиме и лете зеленеет,
 60 ум же твой царев всегда к богу мысль свою имеет.
 Филосовския разуми нас поучают,
 еже и царем дерзати не повелевают.
 да несть лепо сокровища скривати,
 от царския же милости кому отбивати.
 65 радуется и веселится человек, будучи в царской светлости,
 отбивает же и унывает умом своим пребывая в своей велицей
 бедности.
 велие дарование тому от бога бывает,
 иже на кого царь-государь милостию своею призирает.
 Червию и виссом красятся ваша царския багряница,
 а. 103 об. 70 юногы ж и сироты обогащаются от ваша царския десница.
 во истинну ваша царская милость паче каменя сапфира,
 насыщаются, веселятся людие аки от сладкого пира.
 еже бо кто в вашей царской милости пребывает,
 яко во истинну ум его не забвен бывает.
 75 радуется и веселится сердцем своим вся часы,
 ум же его вразумляется разумными словесы.
 смиряет же ся и унывает человек в презрении,
 и сего ради ум его и смысл бывает в забвении.
 и кто не подивится вашей царской державе,
 80 многообразней повсюду лежащей славе.
 Солнце разсеивает луча своя на вселенную,
 а твое царское имя тако ж славится во всю поднебесную.
 много царств и земел от бога учиненных,
 обаче Московское ваше государство отлично от всех неверных.
 85 да что о том много повести и речей творити,
 единого в троицы бога подобает о тебе, государе, молити.
 радуемся и веселимся о твоём царском многолетнем здравии,
 желаем и молим бога о земном многоплодном подании.
 цветет и ростет вся движимая землею во время лета,
 90 устроена^а ж все премудро у предвечнаго света.
 реки и источники и потоки вся животная напойют,
 а богатство и изобилости вся люди украшают.
 добро есть видети землю изобилну во всем,
 а. 104 от бога ж дарованно тебе, государю нашему, быти надо всем.

* Так в ркп.

^а Так в ркп.